

## **Skýrsla umdæmisstjóra til 3. umdæmisstjórnarfundar 17. mars 2012**

Ágætu félagar,

Hér gefur að líta skýrslu mína um það starf sem hefur verið unnið að frá síðasta umdæmisstjórnarfundum 26. nóvember 2011. Framkvæmdanefnd hefur fundað nokkuð reglulega en tekið þó mið af því að umdæmisfélög kemur frá Vestmannaeyjum.

### **Heimsóknir umdæmisstjóra**

Ég hef á þessum tíma heimsótt nokkra kiwanisklúbba og þar á meðal eru Ölver, Eldfell, Keilir, Elliði, Mosfell, Sólborg og Hof. Þá sat ég einnig aðalfund Einherja, sótti þorablót Helgafells og var gestur á sjávarréttadegi Eldborgar. Ég hef fengið mjög góðar móttökur og hjá öllum þessum klúbbum er mjög öflugt kiwanisstarf. Ég mun á næstunni heimsækja Helgafell í Vestmannaeyjum og fara norður og auk þess að heimsækja klúbba þar þá ætla ég að sitja svæðisráðsfund á Siglufirði og síldarkvöld hjá Skildi. Eftir er að skoða með heimsóknir til Grímseyjar og Ísafjarðar og ég fer á svæðisráðsfund í Færeyjum væntanlega í byrjun maí. Ég komst því miður ekki í afmæli Eldeyjar sem var á sama tíma og Evrópustjórnarfundurinn í Prag. Kjörumdæmisstjóri var fulltrúi umdæmisstjórnar og færði klúbbnum afmælisgjöf. Ég vil óska Eldeyjarfélögum til hamingju með afmælið.

### **Kiwanishúsið Engjateig**

Eins og ykkur er kunnugt um þá var húseignin að Engjateig 11 seld og þurftum við að losa húsnæðið 15. janúar s.l. Ég vil þakka öllum sem komu þessa helgi og aðstoðuðu okkur við flutningana. Við fengum bílskúr á leigu fyrir gögn umdæmisins. Eftir viðræður mínar við þá klúbba sem áttu hlut í húsinu og funduðu þar, þá var ekki áhugi hjá þeim að fjárfesta jafnvel með umdæminu í öðru húsnæði. Framkvæmdanefnd umdæmisins var sammála því að festa kaup á skrifstofuhúsnæði og hefur tveimur fasteignasölum verið falið að finna hentugt húsnæði á réttu verði. Umdæmið fær um 10.5 milljónir fyrir sinn hlut í húsinu. Strax við undirskrift í desember fengum við greiddar rúmar 9 milljónir. Lokagreiðsla verður í júní.

## **Erlent samstarf**

Við höfum tekið þátt í erlendu samstarfi og ég sótti fund í Evrópustjórn 17. – 19. febrúar s.l. Þá var boðað til fundar í ráðgjafahópi heimsstjórnar og var sá fundur haldinn í New Orleans 14.-16. janúar s.l. Hjördís kjörumdæmisstjóri hefur sótt fundi með sínum embættismönnum og formaður fræðslunefndar 2012 – 2013 sótti fræðslu. Þessir fundir voru haldnir í Prag. Evrópuþing verður í Bergen 8.-10. júní og heimsping verður í New Orleans 27. júní – 1. júlí.

Eins og ykkur er kunnugt þá hefur Óskar Guðjónsson gefið kost á sér sem ráðgjafi Evrópu í heimsstjórn til næstu þriggja ára. Framboðsfrestur rann út 7. mars s.l. og er Óskar einn í kjöri sem fer fram á Evrópuþinginu og er sjálfkjörinn. Við óskum honum til hamingju með embættið og megi honum farnast vel í starfinu.

## **Umdæmið Ísland – Færeyjar**

Á stjórnarfundum í heimsstjórn 16. janúar s.l. tekin ákvörðun um að umdæmið Ísland – Færeyjar væru ekki lengur eins og kallað er fullt umdæmi heldur færðist í að vera district – in – formation sem er fyrir þau umdæmi sem ekki ná því að vera með 1000 félaga að lágmarki. Nokkur önnur umdæmi fengu líka slíka tilkynningu þar á meðal Nýja – Sjáland, Ástralía og eitt umdæmi í Bandaríkjunum. Það sem mér þykir hvað sárast í þessu er að ég er staddur þarna úti á sama tíma og nokkrir tjáðu mér að slík hugmynd yrði rædd en myndi ekki eiga sér stað hjá okkur þar sem við værum búin að vera umdæmi svo lengi, hefðum sýnt fram á verulega fjölgun undanfarin tvö ár og vantaði innan við 25 félaga til að ná aftur þúsund félaga markinu. Því kom þessi ákvörðun eins og köld vatnsgusa framan í okkur er við fengum bréf þess efnis 20. janúar s.l.

Ég kallaði fljótlega til fundar og ákveðið var að útbúa bréf og hafna þessu og láta fylgja með greinargerð frá okkur sem ég færi með á Evrópustjórnarfund 17. febrúar. Ég vil sérstaklega þakka Óskari Guðjónssyni fyrir hans framlag við greinargerðina og öðrum sem komu að henni. Þessi greinargerð var lögð fram á Evrópustjórnarfundum eftir um 20 mínútna framsögu frá mér. Hver einasti stjórnarmaður sagði að þetta væri svívirðileg framkoma gagnvart okkur að svipta okkur þessu nánast samdægurs og taka ekki mið af því að við höfum tilheyrt þessari hreyfingu í nær 50 ár.

Eftirfarandi samþykkt var gerð á Evrópustjórnarfundinum:

*18. Changes to KI Procedure 203 on District Status info by Governor Ragnar*

The reason for this topic on the agenda is that Iceland Faroes District in January received a letter from KI, signed by Stan Soderstrom, telling that the district have been given a *District in Formation* status. This decision was taken at the KI Board meeting in January. The district is now under the members numbers of 1000, but they are 34 clubs.

After a long discussion the following was decided:

Iceland Faroes District sends their letter to the KI Board by Stan Soderstrom. Paul Inge sends a supporting letter from KIEF after having received a copy of said letter where we strongly suggest that we take a resolution from the Board.

The text for the resolution from the Board is as follows:

*"The European Board, at its meeting in Prague on February 17<sup>th</sup>, 2012, STRONGLY SUPPORTS THE REQUEST of the Iceland Faroes district asking the International Board to revisit their decision to immediately change their district status from full district to district in formation, and allowing them a period of two years to regain full district status".*

Nú er verið að útbúa bréf sem lagt verður fyrir heimsstjórn á fundi 5. apríl n.k. og einnig verður fundargerð Evrópustjórnar lögð fram og bókun stjórnarinnar með ofangreindri tillögu.

Ágætu félagar, nú er starf okkar hálfnað á þessu starfsári og í raun ekki nema um tveir mánuðir eftir af hinu hefðbundna kiwanisstarfi hjá klúbbunum. Nefndir umdæmisins hafa verið að störfum og unnið ágætis starf þótt sumar þeirra hafi mátt gera betur. Undirbúningur umdæmisþings í Reykjanesbæ gengur vel eins og fram mun koma í skýrslu formanns nefndarinnar. Hjálsmarnir eru komnir til landsins og verða afhentir tímanlega og ég veit að Eimskip hefur áhuga á því að auglýsa verkefnið enn betur en gert hefur verið.

Nokkur umræða hefur verið um Tryggingasjóðinn og ég veit að nánast allir Ölversfélagar hafa undirritað úrsagnarbréf úr sjóðnum. Þó að Tryggingasjóður sé sjálfstæður þá vakna oft spurningar á fundum klúbba sérstaklega um gjaldið og það er nauðsynlegt að stjórn sjóðsins bregðist við og setji fram einhverjar áætlanir um framtíð sjóðsins. Að lokum vil ég þakka ykkur öllum fyrir fórnfúst starf í þágu hreyfingarinnar og megi ykkur farnast vel í þeim störfum sem framundan eru.

Kiwaniskveðja

Ragnar Örn Pétursson umdæmisstjóri